



ՔԱՅԼ 1.

ՍԵՐԸ ՀՁՄԲԵՐՈՂ Է

Այս բաժնում կխոսենք համբերության կարևորության, սիրո և սիրահարության տարբերությունների, ամուսնության նպատակի, երջանկության, հետամուսնական դժվարությունների և դրանց դիմակայելու համար անհրաժեշտ երկու «գեների» մասին:

1. Համբերությունը կյանք է

Աշխարհում այսօր ապրում է շուրջ 7 միլիարդ մարդ, և նրանց բոլորին էլ հատուկ է սիրո զգացումը: Այդ 7 միլիարդից մեկն էլ դու ես:

Միանգամից ասեմ, որ եթե դու պատկանում ես շատ զբաղված մարդկանց շարքին, տրամադրվածություն ու համբերություն չունես մինչև վերջ կարդալու այս գիրքը, կարող ես հենց հիմա փակել այն և իզուր չվատնել ժամանակդ: Այս գիրքը ճիշտ և ճիշտ համբերություն ունեցող մարդու համար է, նրա համար, ով ցանկանում է Աստծո օգնությամբ հասնել փափագելի երջանիկ կյանքին և բարելավել իր ընտանեկան կյանքը: Ինչպես Աստծո Խոսքն է ասում. «*Ով համբերի, կյանք կունենա*»¹: Ընտանիքում համբերատար լինելու մասին մենք ավելի ուշ պիտի խոսենք: Հիմա ուզում եմ խնդրել, որ տրամադրվես այս գրքի՝ քո առջև բացած ճանապարհը համբերությամբ անցնելուն: Ես հավատացած եմ, որ քո և քո ընտանիքի համար մեր այս ճամփորդությունը շատ կարևոր է, եթե պատրաստ ես այն անցնել լրջությամբ և համբերությամբ զինված: Երբ ասում եմ համբերություն, նկատի չունեմ կրավորական, ժամանակն անպտուղ սպանող սպասողական կեցվածքը: Համբերությունն այն մոգական ուժն է, որը մղում է մարդուն անդադար աշխատելու, զարգացնելու, անեցնելու և բարելավելու այն, ինչը կարևոր է իր համար: Մի առակ պատմեմ.

Մի մարդ փողոցով անցնելիս նկատում է զարմանալի մի խանութ, որի ճակատին մեծ տառերով գրված էր՝ «ԱՍՏՃՈ ԽԱՆՈՒԹ»: Ներս մտնելով պարզում է, որ այս



խանութից կարող է գնել ինչ որ ցանկանա:

– Եթե այդպես է, – ասում է նա, – ինձ տվեք 3 կիլոգրամ երջանկություն, 7 լիտր առողջություն, 10 տուփ էլ սեր:

– Շատ լավ, – պատասխանում է վաճառող հրեշտակը, – սպասե՛ք, հիմա պահեստից կբերեմ:

Վերադառնալով հրեշտակը մարդուն է փոխանցում մի փոքրիկ տուփ:

– Սա ի՞նչ է, – զարմանում է մարդը, – ես մեծ-մեծ պատվերներ եմ տվել, իսկ դուք ինձ միայն այս տո՛ւփն եք տալիս:

– Եղբայր, – ժպտադեմ պատասխանում է հրեշտակը, – Աստծո խանութում կարելի է ձեռք բերել միայն սերմերը, իսկ դրանք ցանելը, ջրելը և համբերությամբ մշակելը քո գործն է:

Լավ հիշիր այս պատմությունը, քանի որ գրքի վերջում մենք դրան դարձյալ անդրադառնալու ենք, բայց սկզբի համար միշտ մտքումդ պահիր, որ դու էլ Աստծուց սերմեր ունես ստացած, որոնք աճեցնելու և պտուղ քաղելու համար անհրաժեշտ է համբերություն:

Առհասարակ, օրինաչափ է, որ մարդը լուրջ ու կարևոր նպատակներին համբերությամբ մոտենա: Օրինակ՝ ոմանք կարող են հիշել, թե տարիներ շարունակ որքան համբերատար են աշակերտել դպրոցական սեղանի առաջ, ի՞նչ տիտանական համբերություն են ցուցաբերել, երբ պատրաստ-

վել են համալսարանական քննություններին, ինչպիսի՛ համ-
բերությամբ են ամեն անգամ նոր ու կարևոր գործնական
հարաբերություններ կառուցել աշխատավայրում... Արի՛
ընդունիր, որ սերը, ընտանիքը, երջանկությունը և ՆԱ շատ
ավելի արժանի են նման համբերության:

«ՆԱ՞», – զարմացար երևի: Այո՛, գլխատառերով գրված
ՆԱ շատ ես հանդիպելու այս էջերում: ՆԱ քո կողակիցն
է, քո կյանքի ընկերը, սիրելիդ, քո կեսը, ՆԱ, ում հետ կա-
պել ես կյանքդ, երազանքներդ, երջանկությունդ, ներկադ և
ապագադ: Դու և ՆԱ այս գրքի հերոսներն եք, իսկ այս գիր-
քը՝ պարզապես մի ցուցանակ ձեր երջանկության ճանա-
պարհին, ցույց տալու համար, թե ինչ է Աստված պատմում
իրական սիրո մասին, այն ՍԻՐՈ, ՈՐԸ ԵՐԲԵՔ ՉԻ ԱՆ-
ՀԵՏԱՆՈՒՄ:

2. Երբ սիրահար էիք

Ճի՛շտն ասա, մի փոքր հեզմանքով ընդու-
նեցիր չէ՞ ասածս. «Սերը երբեք չի անհետա-
նում»: Հասկանում եմ քեզ. մարդը սերն այսօր շատ է
արժեզրկել: Սիրային բազմաթիվ կապեր կան, որոնք քանդ-
վում են, շատ ընտանիքներ չեն էլ հասցնում կառուցվել, հա-
րաբերություններ էլ կան, որ ավելի լավ է ջլինեին,
քան... Կարող է պատահել քո՛ ընտանեկան բույնն
էլ սիրո կատարյալ վայելքի օրեր չի ապրում, բայց
արի չշտապենք գնահատական տալ, այլ մտովի վե-
րադառնանք դեպի ձեր կյանքի ամենախենթ տարիները:
Վերհիշի՛ր քո և ՆՐԱ առաջին հանդիպումը. «Բույլ մը նայ-